



Jus Canonicum Practice Explicatum

Seu Decisiones Casuum Ad Singulos Decretalium Gegorii Papæ IX. Titulos,
& ad Consuetum Referendi Modum accommodatæ

Complectens dimidiam Decretalium Partem, videlicet nonaginta duos
Titulos, nimirum usque ad Titulum XX. Libri de Feudis exclusivè

Pichler, Vitus

Ingolstadii, 1728

Quæst. II. Quanto tempore duret hoc beneficium in Minore conjugato?

[urn:nbn:de:hbz:466:1-62305](https://nbn-resolving.org/urn:nbn:de:hbz:466:1-62305)

QUÆSTIO II.

Quanto tempore duret beneficium restitutionis in Minore conjugato?

Lim equidem non plus temporis ad restitutionem prorsus omnem concedebatur, quàm annus utilis. l. 19. l. 39. ff. de Minor. l. 1. §. 1. ff. quib. ex caus. Major. scilicet annum computando in Minoribus ab incepto anno 26. ætatis, & completa Minorenitate, in Majoribus verò à tempore soluti impedimenti, reputatis tantùm diebus Juridicis, quibus nempe Judicia exerceri poterant: postea tamen in l. ult. C. de tempor. in integrum restit. Imperator annum utilem mutavit in quadriennium continuum, at non pro omni restitutione, quæ v. g. competit ex causa doli, metus, status, alienationis facta: iudicii mutandi causâ, sed solùm pro duplici specie restitutionis, nimirum quæ competit Minoribus ob fragilitatem ætatis (consequenter & iis, qui gaudent in hoc puncto jure Minorum) & iis, qui ex justa absentia læsi sunt; quia has duas tantùm species exprimit lex ult. cit. quæ, quia est correctoria Juris Antiqui, ad alias species restitutionum ibi non expressas extendi non debet. Confer. Oddo q. 19. a. 3. Perez in Cod. de tempor. restit. n. 2. Dubium nunc oritur, quanto tempore gaudeat Minor conjugatus restitutione à contracto Matrimonio, seu quando ipsi incipiat quadriennium, Minoribus generaliter permittitur. (R. P. Picbler Decisiones.)

sum ad eam petendam? Ad quod breviter IV. &

Dico. Minori, licet conjugatus sit, & Matrimonium jam anno 18. 20. 22. &c. ætatis contraxerit, tamen quadriennium non incipit currere ante terminatum 25. & inchoatum 26. ætatis annum, consequenter restitutionem petere potest usque ad 29. ætatis annum completum de Jure Communi. Sumitur ex l. ult. cit. ubi omnibus, qui in Minori ætate, quæ finitur cum anno 25. læsi sunt, indiscriminatim indulgetur quadriennium continuum, non distinguendo inter Minores conjugatos & solutos, inter eos, qui in ordine ad alios effectus vi statuti vel consuetudinis localis habentur pro Majoribus, uti apud nos habentur Minores conjugati; nam, uti in resolutione prioris quæstionis evicimus, Minores conjugati in ordine ad effectum restitutionis in integrum amittendæ non habentur pro Majoribus, sed pro Minoribus, ita ut, si lædantur, gaudeant hoc Beneficio, non obstante, quod per Matrimonium vi consuetudinis aut statuti extracti jam sint è Patria, & Curatoris potestate.

Neque opponas textum in l. 5. C. de tempor. restit. ubi illis, qui veniam ætatis consecuti sunt, extenditur quidem beneficium restitutionis usque ad

E e

ad 25. annum completum, si læsi sunt ante impetratam ætatis veniam, licet eâ impetratâ administrationem bonorum autoritate Judicis consecuti jam sint 20. vel 22. anno, aut foemina etiam 18. & sic tempus restitutionis post ætatis veniam, & bonorum administrationem obtentam durat 3. 5. vel 7. annis; ultra 25. tamen ætatis annum non porrigitur: ergo nec in Minoribus, qui 18. 20. vel 22. &c. anno contraxerunt Matrimonium, extenditur beneficium restitutionis ultra 25. annum, licet duret ab illo contractu per 7. 5. 3. annos, qui nimirum à contracto Matrimonio intercedunt usque ad annum 25. Siquidem negatur paritas; nam veniam ætatis consecuti de Jure Communi *l. eos, qui C. qui veniam ætat. impetr.* amittunt beneficium restitutionis in integrum quoad ea, quæ post illam obtentam gesserunt, non verò Matrimonio copulati; quia de his nec in Jure Communi, vi cujus gaudent restitutione quoad negotia usque ad 25. annum gesta, expressum est, nec statutum aut consuetudo, vi cujus pro Majorennibus habentur per Matrimo-

nii contractum, derogat Juri Communi quoad restitutionem in integrum, ut supra vidimus. Id verum est quòd, ubi vi statuti vel consuetudinis incipit absolute majoritas, & finitè minorennitas 18. anno, ut in Statu Mediolanensi, vel 21. annò completò, ut in nostra Bavaria, tempus restitutionis duret usque ad 20. annum duntaxat, adeoque Mediolani per 7. in Bavaria per 4. annos ab æpta majorennitate. Id quod etiam de Jure Bavarico procedere docet Cascellar. Schmid *semicent. 1. contractu* contra D. Franc. Balthasar & Andradum Rath.

Ex quo inferes, nostrum Matrimonium, quia degit in Bavaria subditus, sic majorennitatem absolutam adeptus est 21. ætatis annò, tantum restituitur per quadriennium quoad læsionem quam infra annum 21. passus est, non ultra, licet restituatur etiam quoad læsionem, quam passus est post Matrimonium contractum usque ad annum 21. quia eo usque habetur pro Minori quoad restitutionem in integrum, licet non quoad alios effectus.

QUÆSTIO. III.

An ignoranti currat tempus ad restitutionem petendam à Jure concessum?

Sicut duplex datur ignorantia, nempe *Juris & Facti*, ita & in hac quæstione dubium moveri potest de utraque. I. An Minori, qui ignoravit post adeptam majorennitatem sibi

adhuc quadriennium de Jure concessum esse, & ideo intra illud restitutionem non petiit, adhuc eo elapsa competat beneficium restitutionis in integrum, quæ ignorantia est *Juris* II.